

信豐縣志

孝

信豐縣志叙



一邑之志猶古者一國之
史賤方氏之所掌也春
秋為魯國之史孔子記
載二百四十二年之事

章序

一

定是非而寓褒譏以為
後世法戒顧邑志之序
例也象

皇 上右文振武一遵周風

海宇昇平光天化日之

下邊徽要荒歸誠蓋
德者重譯而玉雕題
黑齒之鄉莫不嚙之向
化盡入版圖幅幘之廣
亘古未有嚴在癸亥

章序

二

皇
上特命廷臣纂修一統
志浚名真省通志檄六
并徵郡邑志以備採
擇予古聖典成昭代
大觀之天下大一統之

規模固已弘遠矣獨
是信邑志殘缺已久自
有明至今雖幾經修
訂而中遭兵燹版籍廢
失迄無全書抵江穀嶺

章序

之間黷拉無名況信邑
為安州上游閩粵扼
要之地山川韶秀代
有傳人疆域延袤夙
稱巨邑使文獻無存

採風者何以激信且善
以寄美刺而厚風俗先
史系而示將來則彰
志之所係顧不重歟乃
賴之張君甫攝信篆

章序

四

即由意編緝博搜殘
者庶採遺聞互同志
者泰稽互纂詳略得
宜以次成書夫兩邑之
孫亦較繁矣而其以公

傳濡毫校定立不朽
之業為後世法戒身
才智有過人者是一
之盛舉閱千百年而
俾邑之士民觀是編而

感發興起以致俗美而
化行皆君之力也余因
弁首首席使後之官
躬土者亦得以考鏡
焉

時

康熙五十八年歲次己

亥仲冬月

穀旦

江西提刑按察使司
分巡贛南道副使加

章序

六

二級會稽章履成題



新修信豐縣志序

辛卯秋余奉

命守虔下車之日即徵各邑志
乘欲縱觀闔屬之山川里道
丘陵陂澤財賦風俗人物學

黃序

術之源委同異使了然於胸目
之間信者無不信疑者無可疑
廼他邑具載頗詳而信志獨荒
略無可采擷計其重修之時去
今已五六年矣余不禁廢

然嘆曰何宰斯土者之漠然相
視耶歲壬辰大中丞郎公檄
修郡志興國張令司其事因
語之曰信邑志殘缺已久若其
旁蒐遠紹無或遺焉期年郡

黃序

二

志告成余竊心焉喜之雖然張
令之於郡志非不廣搜博採奈
非專乘勢不及詳况信邑居
贛上游幅幘遼濶為閩粵咽
吭地我

皇上御極五十八年海宇昇平其
生齒之繁日盛一日其人文蔚
起醇龐成風文武寮采之遺愛
在人者皇古以來從未之有然
則信志其可不重修哉余嘗汲

黃序

三

汲董邑令修葺率皆因循其事
終付之無可如何今年春賴令
張君委署信篆余方欲與之謀
復因公往省會竟未及一語歸
途時而張令以信豐新志送覽

余詳閱之無不於予心相符因
不覺撫卷而歎曰卓哉張令也
數十年殘缺之書竟以一心三
手經營數月而就無飾言無
曲筆斟酌損益莫不得其宜

黃序

四

詢諸邑人而邑人曰是信書也無
有疑者矣即今

大中丞白公主修通志持此以佐
虔志之所未諱不亦可呈送武庫
以上供採擇哉然則張令之有功

于信邑較之應來邑今因循厥事
者相去竟何如也是為序

皆

康熙五十八年歲次己亥仲冬
中憲大夫知贛州府事加

黃序

五

六級廣寧黃汝銓撰



信豐縣志序

國朝聲教覃敷幅幘廣濶大一統之盛
亘古所未嘗有薄海內外事蹟規制
具諸一統志者必已撮其要矣至於
郡縣各自爲志亦如古列國得有史
所以收稗官野乘之詳而昭往貽來
也信邑舊志爲鄉先達張君淵及俞

信豐縣志

序

一

君琳先後編輯今久湮沒不可復覩
康熙三年邑侯趙州楊公宗昌夏邑
張公繼掄相繼復修推鄉先達曹君
宣光操筆歷今五十年所版籍朽蠹
無存者已非一日康熙四十五年邑
侯保安張公執中偕邑明經黃君虞
纂訂較讐芟繁補逸續載五十年來

建置以及人物等事已就緒未及附梓而公忽解組後之蒞茲土者因循又十餘年豈其時有不暇歟抑意不在此歟歲戊戌臈月 贛邑侯大興張公 署篆茲邑甫下車 彬 等謁賀首詢地方利弊卽議及縣志意切重修數月間訟簡政清民以寧息鳴槩

之暇取先任志藁細加校勘裁定又于近今一行一誼片善微長皆得增入或告以採訪必慎義例必嚴者公則曰直道自在人心善善欲長無慮溢美也不觀繁星麗天而三垣五行自有別而識之者乎由是筆削損益憑一心權衡命匠督鑄捐一己財力

甫半載而書成尤博採邑人文藝因
面諭余以序余感夫親民之官莫如
縣令而職之難盡者亦莫如縣令善
乎柳子厚之言曰凡吏於土者民之
役非以邑民也恒見任厥職者困于
簿書疲於奔命摧科撫字且不克兼
長志之有無其不遑問也固宜今公

攝縣事纔數月輒修舉數十年久闕
之典可不謂殫心盡職知爲政之大
體者乎惜夫信介偏隅其地形湫隘
無名山勝境足以壯通邑之大觀其
民風樸魯無竒偉特絕足以備覽司
牧之採擇一二先達崛起于前而繩
武者寥落無幾茲雖廣收並錄負歉

滋多所望于後之覽者感張侯與人
爲善之意爭自濯磨庶人文蔚興名
賢代幽所以增史冊之光者尚有待
焉彬不敏躬逢盛舉才識踈淺不克
有所表章以佐贊侯昭往貽來之萬
一惟承命述其大畧附片言於簡末
不揣固陋祇用自慚云爾

峕

康熙五十八年歲在己亥仲秋月

邑人黃彬荆班撰

信豐縣志序

古千乘諸侯地不過百里自秦廢封建爲郡縣而守令之尊與諸侯埒子輿氏之言曰諸侯之寶三土地人民政事以斯三者上承天子下保蒸黎撫安壤而慎封守責至重也淳則謂郡縣之志實兼之乃蒞茲土者擾攘

於簿書錢穀日不暇給至邑乘之修廢漫不經心彼其所寶固自有在視茲務若不甚急亦聽其散亡磨滅而莫問之詎知邑乘所載凡疆域廣袤雉堞參差名山大川之秀麗官署學校之弘巍外而陂塘鄉鎮物產樓臺皆土地所統轄也凡文武寮窳之遺

愛立德立功立言之先達與夫科目
贈蔭貞臣孝子下及隱逸方伎皆人
民所叢集也若乃田糧戶役軍制典
故災祥變異疏奏書目之琳琅文章
詞賦之藻績弘綱細目靡不畢載其
爲司牧所當寶孰大於是贛郡邑侯
張公英才卓越三年政成大吏以

爲賢特簡分符我信邑信素醇龐易
治邇來刁險成風鼠牙雀角者日繁
有徒張侯至綜其大而略其細始
則懾之以威繼復綏之以德一時萑
苻奸滑皆駭汗屏蹟而莫敢肆由是
因其公餘暇日披覽縣志謂我

皇上御極五十八年深仁厚澤凡四海

六合之內無不浸灌滋潤矧信當東
粵之界號稱花封其間賢才蔚起豈
無頡頑徃哲足使頑廉懦立者乃因
前任張公澹仙先生兔園遺冊集
多士於倫堂虛衷延訪又恐蹈築室
之謀久而罔成也乃獨出燕許鴻裁
錄舊增新甫半歲而縷晰條分取六

十餘年沉埋湮抑者今乃各如其仁
孝之志一旦若列宿之躔次於分野
稿竣方授梓人而新父師適來吾
儕相與餞之南野不勝緇衣甘棠之
慕也公且執手言曰邑志成矣子
其鑒余衷而爲我序之淳竊謂公
居贛上游冠蓋輻輳又當兩邑繁鉅

如紛蝟然茲獨惓惓於志乘者蓋有所本矣 公生長輦轂下習見

大清一統志方輿考畧諸書囊括宇宙雖郡邑志乘洪纖懸殊然一方之文獻無徵將異時之採風失據甚非聖天子張官置吏布化宣敷至意則

公之惓惓於是者其誠知所寶也夫遂不辭謏陋而爲之序

峕

康熙五十八年歲次己亥仲秋之吉
邑人周淳拜撰

信豐縣志序

粵自十志撰於班固後人因之而志之名以昉故百里邑有志上以備太史之攬摭下以詒文獻之徵考猶朝有史家有譜也朝無史何以垂鑒戒家無譜何以紀世系邑無志則疆域沿革田賦豐耗戶口興喪方隅險要

以及人文之臧否習尚之貞淫不皆茫乎其罔所據耶顧史之作柱下掌之譜之作家贇達司之而志之作非三長兼擅之良吏不能爲且不知爲夫吏奉

天子命牧此一方民宜思所以振風俗崇文教以興除利弊至一邑之疆域

田賦戶口方隅人文習尚不能指陳
而經畫焉吏將何以報最

天子哉吾贛邑侯大興

張公漪翁先生以命世之才英年作
宰業已棠陰四野澤潤雙江矣戊戌
冬分符而借光吾信一時父老子弟
瞻公風度翩翩咸竦攝如神明之

不可媿視居頃之簡教令布襟懷其
心仁以恕其操廉以貞其政寬以肅
舞文之史翫法之胥悉皆斂手屏蹟
勾呼捕詰不行於鄉萑苻嘯聚不闐
於野昔人所稱風草偃仆化馳若神
者於公見之邑舊有志迄今六十
餘年印版闕如後得潑水張明府

編輯而未頒劄削鈔藁譌謬止等兔
園遺冊難備虎觀巨觀公惄然憂
文獻之無徵也虛公博採諮於學博
兩先生暨鄉士大夫商確互訂總紛
如聚訟之談折衷至當乃獨出史學
之大手筆釐其舛錯增其未備事核
而該文簡而雅由是捐清俸壽梨棗

舉六十餘年曠廢未修日就湮沒者
一旦勒成全書犁然爲信邑鉅乘迺
雯因縣志之梓成而重有感矣先世
自曲江公派衍桃水譜牒雖存而數
十餘年之久亦未加增輯今春不憚
風濤遠涉廬陵訪家簣山太史續譜
以補闕畧返掉旋里適公徵啟下

逮不揣涼薄猥以譜系呈 證源淵
蒙不鄙葑菲 賜文弁冕竊計邑志
經鴻裁修撰自足信今傳後家譜何
幸亦獲大文煒煥俎豆增熒第前此
司牧俱傳舍視其官不思表揚一方
文獻而 公獨殫思極慮爲信志校
讐傳信異日

朝廷採風問政太史攬摭以黼黻文章
安知不藉 公之志爲

當宁獻則 公之志將與朝史並傳千
古而寒族之譜亦且附青雲而不朽
矣 斐 非不知言之無文不足以揚厲
公之過化獨念 公數月荅封風俗
振文教崇香山菴水蒸然蔚起以視

紛擾於簿書鞅掌而迄無紀續者其
度量相越蓋遠甚矣因不禁爲信邑
慶而沾沾頌禱以叙其盛事云

峇

康熙五十八年歲次己亥桂月

邑人張雯頓首拜譔

信豐縣志目

序

□

徵啟

凡例

圖

卷一

地輿志

沿革

分野

氣候

形勝

八景附

疆域

信豐縣志

目錄

一

風俗

山川

丘墓附

坊都

陂塘

街市

巷井

墟鎮附

物產

卷二

建置志

城池

公署

學校

書院附學

社戎衛

倉驛

藥局

養濟院附
澤園漏

坊表

樓臺

津梁

卷三

賦役志

戶口

田賦

鹽餉

襍稅

官店地租附

卷四

祠祀志

文廟

名宦祠

鄉賢祠

壇壝

附諸

祠

□

觀

卷五

秩官志

邑令

倅貳

學博

巡司

卷六

兵防志

鎮戍

軍署

教場

屯糧

石背營

黃

信豐縣志

目錄

二

陂營

龍洲營

防守

軍功

卷七

選舉志

進士

鄉舉

薦辟

封贈

戚畹

貢士

應例

椽吏

卷八

名宦志

循吏

良師

卷九

鄉賢志

行業

隱逸

忠義

孝友

文儒

質行

方技

卷十

列女志

賢孝

烈婦

節婦

補遺卷十後

卷十一

襍紀志

祥異

軼事

仙釋

信豐縣志

目錄

三

卷十二

藝文志

奏疏

序記

尺牘

詩詞

徵刻信豐縣志啟

粵□周官分秩首重職方漢相入關先收圖籍載
幅員財賦之盛疆域昭然紀衣冠文物之隆典型
具在是以志傳班固千秋之定論斯嚴史作馬遷
百世之憲章可考名因實附地以人傳則國之有
史洵歷代之折衷猶邑之有志不可一日或闕□
也况虔州處江以西爲上游而信豐寔贛之南稱
巨邑若乃層巒聳翠香山秀甲寰區帶水拖藍□
江清環雉堞眺鼉梁雁齒之橫卧月映霓橋想□

信豐縣志

啟一

一

塘灑瀕之巨波灘聲七里山川設險作閩越之咽
喉甲第連綿壯古今之閎閱崇巖幽谷處處桃源
鷄犬桑麻村邨煙雨以故地靈人傑代有忠貞鵲
起蟬聯世多賢哲黃考功之奮格內侍聲振廟堂
甘中丞之開府淞西風清檠戟三年廬墓李元□
孝行克敦萬卷藏胸俞聲甫文章久著遡諸曩昔
輩出英豪念彼來茲矧多軼事無何中更兵燹竟
成斷簡殘篇幾歷星霜不見鐫梨鏤棗致官斯□
者嘆文獻之難徵過是都者嗟版章之無據不佞

縮符隣邑越俎名邦技本彫蟲未夢江郎之筆政
難馴雉空彈單父之琴覩人民城郭之依然有淳
漓盛衰之可撫用是爰告同心毋令終歸散帙廣
蒐舊本既綱舉而目張補緝新編勉舍毫而濡墨
更冀高賢共襄勝事付之剗劂望郡公惠然勇躍
而來助以校讐庶鄙人不致寡陋所哂謹啟

告

康熙五十八年孟春月之吉大興張瀚具

信豐縣志

啟二

二

信豐縣志

凡例

一古者列國皆有史其體例不必同要以記掌時事用垂法戒自漢以下史者率宗遷固其體大都
有五曰紀曰世家曰志曰表曰傳其在一省則曰
通志在一郡則曰府志在一邑則曰縣志志之云
者具史之一體是蓋外史之義也宜然固不當強
分紀志表傳以僭擬國史也

一邑志廢缺已久前皆不可稽至明隆慶四年通

信豐縣志

凡例

三

判廖公憲署縣事欲爲纂修無所考邑人俞琳以
先人故帙進因得叅訂成書舉置邑九百餘年之
盛典迨後遭兵燹散帙無存至

我朝順治十六年楊邑令宗昌起而重修之未卒
業擢官去康熙三年張邑令繼掄續成其事至今
版籍又廢失數十年來藏其書者亦漸次寥寥凡
構求者皆抄錄以應其舛錯混淆幾不可辨今復
爲編緝故歷叙修志諸賢于簡端所以表其源流
也

一地輿所載沿革分野氣候形勝以及疆域風俗皆本之舊乘加以博採準繩于通志府志新舊諸書訂而列之非敢臆爲斷制以貽譏于博雅

一山川舊志只載界限某山在某里堡而峯巒之綿亘幽秀巖壑之靈異嶽崎或有缺畧茲編脩加增補令觀者如身入其境可當卧遊之一助

一丘墓志名賢菟□正以見生則表揚于前死則傳名于後使百世之下令人思慕感發以自勵而自奮也舊志廖張二本俱不載不可爲法今採入

信豐縣志

凡例

四

重其人也

一按信邑地瘠山礲無他物產民間祇知稼穡以故所有者不過稻粟蔬菜而已樹無蠶桑女不織絳羽毛皮革繭絲鹽鍊皆取給于他方至若禽魚花菓并無竒珍異品是編俱削而不載

一建置載城池重固圉也公署宣風化也學校明人倫也戎衛倉驛禦民生也至若坊表津梁一以樹名節一以濟往來也他如樓臺所載者皆名賢寄興之蹟其間雖大半廢于荒煙蔓草中而必存

□名者表古蹟也此外則不錄

一貢賦惟據舊所定制紀其常也因時隨事或有增加者恐爲他日取盈之地不書

一祠祀惟祀典所載或協人心公義者則書所以崇德報功也餘皆在所畧

一秩官無論在任去任皆依年次編入所以明設官分職之義別等威也至若賢否載在名宦此無容贅

一信邑爲閩越之咽喉且崇山峻嶺昔爲宵小盤

信豐縣志

凡例

五

踞之地而閭閻之受其塗毒者不勝指屈是邑之兵防不可不嚴也至其賊盜一欸遵府志改爲軍功使蹈身鋒鏑効力疆場之人咸有以表見民社重有永賴焉

一選舉先王之世文武無二道况

我朝兩途并重故茲編舊載新增悉如定制

一名宦爲隆治道之源矧自古循良首推守令以其于名最親也民爲邦本本固邦寧民之治責在有司是古之稱爲循良即今之稱爲名宦也嗚呼

一時之榮貴固與其身俱往矣千百世之公評則尚若有存焉者此名宦之載正可爲後之官斯上者之寶鑑也

一是編鄉賢列女之選其本諸舊志者茲不具論其新增者皆採之輿情出之公舉其間足稱爲完人而名實無愧者故不乏人即一言一行有可風世者亦不吝爲揄揚此秉筆者所以鼓舞人心將見摩仁漸義皆由此而漸興也斯志頗不爲無功一雜紀載祥異軼事仙釋按古來諸史例必書之

信豐縣志

凡例

六

今錄者皆悉遵舊志

一信邑藝文如李少尹甘中丞黃太常諸奏疏所謂計維宗社澤被民生詞嚴義正不獨爲一邑爭光當與萬世傳爲不朽矣他如諸賢著作皆有關於世道人心故不可不具載至若詩賦亦足以鼓吹休明激揚風化錄之以俟採風

一是編得邑之博雅諸君子廣爲蒐蘿互相考訂之力俱多然不佞丹黃去取必操筆親裁者恐有涉好惡之私囑托之嫌故不揣寡陋不論毀譽皆

□之大公無我之心非有成竹藏于胸臆間也倘
編中見聞不廣挂漏仍多高明□斯志幸爲諒之

張瀚識

信豐縣志

凡例

七

信豐縣志纂修姓氏

總裁

江西提刑按察使司分巡贛南道副使加二級章履成

贛州府知府加□級 黃汝銓

纂修

署縣事贛縣知縣加四級 張瀚

協修

儒學教諭 黃湘

儒學訓導 文學

信豐縣志

姓氏

一

叅輯

舉人 黃彬

曹齊雲

郭鍾英


俞嘉哲

原任分宜縣教諭 劉天霖

貢生 周淳

張雯

黃文澍



信豐縣志

總圖

生員 黃洪生

戴珮

郭德灝

馬廷才

黃棠

廖廷英

信豐縣志

總圖



花園早春
姚元初寫



信豐縣志

圖

四

李白桃紅逐暎風春光占
 斷上元中虔南景物由來
 早好趁晴郊放玉驄

花園蚤春





竹橋夕照
姚元勿寫

一帶街山落日佐石
梁橫影淡烟迷歸來
糗牧何妨晚隱之歎
聲渡水西

竹橋夕照




東嶽曉鐘
姚元初寫



信豐縣志

圖

六

昏黃月落影參橫
日之鐘
聲向曉清
我思尋詩來
白社嶺東
幽谷
水雲平

東嶽曉鐘



西河夜月
姚元初寫



信豐縣志

圖


七

蕩漾湖光蕭瑟秋銀蟾
斜影淡煙收何須忠犬
燃犀照澄徹魚龍靜夜
浮

西湖夜月



五圍仙蹟
姚元初畫



信豐縣志


圖

八

惟石蹲款碧流數黍天
地幾徑秋何年筵岳還
飛去岼草汀多士憶鶴

起

五圍仙蹟






信豐縣志

圖

九

水石喧飀雪作堆長年
 噴薄暮奔雷輕舟宛轉
 隨流下彷彿瞿塘滬瀨
 東

王維詩
 九仙山




觀山積翠
 姚元切寫

拔地摩空摠不齊如螺如
 黛影偏迷何時峰頂頻搔
 首望去齊州九點低

觀山積翠



龍水拖蓮
姚克如寫



信豐縣志

圖

十一

水之潔，似清油，流滿野。
柳色相浮，輕風吹，柳條。
紋細，慣向，波闊，鴨頭。

龍水拖蓮

己亥秋八月六日，張翰題

